

[1]香港嘅十二人男團Mirror，喺歐美同韓風吹襲之下，依然殺出一條血路，成為香港最受歡迎嘅組合。雖然佢地嘅唱功舞功未必最勁，但唔少人仍然視佢哋為香港樂壇嘅救星，堪稱香港樂壇神話。

[2]Mirror紅咗之後，黃牛黨乘機炒賣佢哋嘅演唱會飛。一張演唱會飛炒到十一萬一張，喺近年嘅香港實屬罕見。不過炒黃牛飛係犯法㗎，而家嘅藝人都會呼籲粉絲唔好買黃牛飛，要從正確途徑購票。

[3]香港體育館座落香港紅磡，就喺紅磡火車站隔離，所以俗稱「紅館」。喺紅館演出，係有實力嘅象徵，代表嗰位明星係天王巨星。

[4]香港人會叫日本人做「㗎仔」同「㗎妹」，原因據說係日文句子多數以「か」(ga)結尾，所以香港人以「㗎」指代日本。但係只限於「㗎仔」、「㗎妹」呢兩個稱呼，日本貨就唔可以話係「㗎貨」。

[5]動漫節係香港一年一度嘅大型綜合動漫電玩展銷活動，係唔少動漫迷嘅「朝聖」活動之一。一啲動漫迷為咗搶購限量版產品，仲會通宵排隊霸頭位。

[6]現代人「沖涼」呢兩個字冇分得咁細，但係古人就唔同。沖涼嘅書面語「沐浴」，「沐」係指洗頭，「浴」係指洗身，至於「洗」係指洗腳，區分得好仔細。

[7]八九十年代日本文化喺香港盛極一時，唔少香港人都想學日文。根據統計，香港有五十幾間日文學校，有四萬幾人識講日文（唔計以日文為母語嘅人），係最多香港人學嘅非法定語文。

[7]香港嘅中大同港大都有日文相關嘅學士學位可以修讀，課程涵蓋日本歷史、日本文化同埋日本文學。

[8]粵語有句話叫「午時花六時變」，「午時花」係中午開花、夜晚閉合嘅花，花期得六個鐘左右，所以成句意思係話人嘅態度或行為成日變嚟變去，反復無常，難以觸摸。